

Dunia Wartawan -----

Bangsa yang Banyak Sekali Membaca Akhbar di Dunia

Tiap-tiap 1,000 orang dari penduduk Kepulauan British membaca 600 buah akhbar harian sehari. Ini ialah suatu kemajuan yang menyebabkan akhbar-akhbar mereka laris dan dicetak sebanyak tiga puluh juta naskhah sehari.

Di Amerika pula ada 12,000 buah majalah dari berbagai-bagai jenis

Menurut banci yang telah dijalankan oleh badan yang bersifat *international*, nyatakan bahawa orang-orang British ialah suatu bangsa yang banyak sekali membaca surat khabar di antara penduduk dunia seluruhnya.

Meskipun akhbar-akhbar harian mereka tidak melebihi daripada 165 buah, tetapi penerbitannya amatlah besar iaitu 30 juta naskhah sehari. Ini bermakna bahawa tiap-tiap 1,000 orang penduduk kepulauan British membaca 600 naskhah sehari. Sedang akhbar-akhbar harian di Amerika Syarikat berjumlah 1773 buah dan jumlah siarannya ialah 45 juta naskhah sehari, yang bermakna tiap-tiap 1,000 orang Amerika membaca hanya 355 buah sahaja.

Dalam pada itu, orang-orang Amerikan¹, dari segi yang lain, terlalu banyak membaca majalah-majalah mingguan dan bulanan, sehingga membawa kepada had membazir. Di Amerika ada 12,000 buah majalah dari berbagai jenis dan potongan. Di antaranya ada 4,610 buah majalah, yang tiap-tiap sebahannya mempunyai lebih daripada 100 muka. Jumlah yang terjual habis dari majalah-majalah yang tersebut, di Amerika sahaja, kira-kira 4,000,000 naskhah!

Di antara majalah-majalah Amerika yang 12 ribu jenis itu

1,800 buah ialah majalah-majalah yang mengenai perniagaan, 3,500 buah mengenai rumah tangga dan sejumlah besar yang memuat berbagai-bagai mauduk: agama, buruh, politik, masyarakat, kebudayaan, dan sukan. Pekerja-pekerja yang menyediakannya (dari segala tingkatan) berjumlah 68,000 orang. Pada suatu masa, perbelanjaan majalah-majalah Amerika ini telah meningkat kepada 1,400,000,000 dollar setahun.

Sudah Siap!

SISA NERAKA DUNIA

Penanggongan kita masa Jepun tidak-lah hendak-nya tinggal bagitu sahaja.

Penderitaan yang hebat ini telah di-gambarkan oleh Ahmad Luthfi dalam buku karangan-nya huruf Jawi yang terbit tahun 1948.

Sekarang berpeluang membacanya dengan huruf Rumi. Cherita-nya hebat.

Sa.naskhah \$1.00.

Teknik-nya bagus.

¹ Amerika